

林屋民風卷之二

古吳洞庭王維德編輯

男其龍錄其章

太湖七十二峰

山之在水面者其景最勝若夫以七十二峰之蒼翠矗立於三萬六千頃之波濤其為勝何如也徧行天下唯是有之

太湖七十二山記

明王鏊

太湖之山其發原自天目而來奔騰至宜興入太湖融

為諸山湖之西北為山十有四馬跡最大

毘陵志云山在武進縣東

南太湖中周百二十里與津里山相接

又東為山四十有一洞庭最大又

東為山十有七東洞庭最大馬跡兩洞庭望之渺然如
世外之境即之茂林平野間巷井舍各數千家仙宮梵
宇往往而是馬跡之北津里夫椒為大夫差敗越處也

按左傳吳伐越敗之扶椒杜預曰太湖中椒山水經云
太湖有包山春秋謂之夫椒史記正義引賀循會稽記
云夫椒山在太湖中洞庭山西北常州
志云夫椒一名湫山在無錫縣太湖濱西洞庭之東北

渡渚龜山 按渡渚山龜山
即洞庭之支山橫山陰山葉余長沙山為大

長沙山有石鏡太湖
中舟行人物皆見之長沙之西衝山漫山為大東洞庭

之東武山北則余山 史記為
徐侯山西南三山厥山澤山為大

此其上亦有居人數百家或數十家馬跡兩洞庭分峙
湖中其餘諸山或遠或近若浮若沉隱見出沒於波濤

之間馬跡之西北有若積錢者曰錢堆稍東曰大吼小

吼與錫山連中斷為太湖舟行其中曰獨山有若二鳧

相向者曰東鴨西鴨中為三峰稍南大隄小隄與夫椒

相對而差小為小椒為杜圻范蠡所嘗止也 事見
古跡西洞

庭之北貢湖中有二山相近曰大貢小貢 正統十四年
正月六日二

貢山闢開而復合又同沉于水已而後起闢踰時乃
止時見者千餘人景泰中復然見杜東原耕餘雜錄有

若五星聚曰五石浮曰茆浮曰思夫山 相傳秦時有人
採藥不返其妻

思之至
死故名有若兩鳥飛欲止者曰南鳥北鳥其西兩山南

北相對而不相見見即有風雷之異曰大雷小雷稍北

曰大千小千與二千相近曰紹山曰曠浮曰東獄西獄

世傳吳王於此置男女二獄也其前爲粥山云吳王飼
囚者也有若琴者曰琴山若杵者杵山有對植者曰大
竹小竹與衝山近有若物浮水面可見者曰長浮癩頭
浮殿前浮其東與龜山相對而差小者爲龜山有二女
娟好相對立者曰謝姑小謝姑有若石柱巖薛者玉柱
稍却金庭其南爲崱山爲歷耳中高而旁下者筆格驤
首若逝者石蛇有若老人立石公石虵石公石最奇按石
公亦洞庭文山若螺者青浮與龜山龜山南北相對曰鼉山旁
曰小鼉二鼉之間若隱若見曰驚藍東洞庭之南首銳
而末岐者曰箭浮若屋欹者王舍浮苧浮又南爲白浮

澤厥之間有若笠浮水面者翦帽山有逸于前後追而
及之者猫鼠山有若穹碑立者曰石牌是爲七十二山
然其最大而名者洞庭山也按此篇尚有假借闕
失處愚爲訂正於後

洞庭山周八十餘里四面林巒其下皆平原村落居民
不啻數千家盤旋環繞或深藏岩阿或托處田間類皆
聚族以居遷徙無出其村問姓則知地未嘗雜亂也震
澤編云漢王瑋玄韓崇劉根梁楊超遠葉道昌唐周隱
遙唐若山皆於此學道一名林屋山以其有林屋洞故
也一名包山以四外皆水包之真語云去洞庭見包公
問動靜則又以包公居此而名也其稱洞庭則以林屋

洞中有金庭玉柱又以湖中有金庭山玉柱山也左太衝賦云指包山而爲期集洞庭而淹留山峙太湖之中望之渺渺忽忽意其一島而重岡複嶺縈洲曲激洞天福地靈踪異跡殆不可窮語云不遊洞庭未見山水信非虛也七十二峯之中推洞庭爲最大故首列之

洞庭山記

明袁袞

夫覽山川辨物宜稽民俗舒性情遊之槩也西洞庭去吳城百里余自胥口抵山館于林屋山人山人負經濟之學數奇而山居因山創樓名曰玄秀消夏環其前縹緲之巔山有九峰而縹緲獨峻拔而上掖而前旣登則

東洞庭如帶七十峰特小湖中諸山皆若屏拱落日陷波中金紫萬狀游之明日泛消夏灣觴于小龍山而歸又明日度蔡嶺憩明月灣登石公山山之陽有石板其半沒於湖猶可坐千人乃相與濯足而歌曰山嵯峨兮石如砥湖瀕洞兮百川委又觴而歌曰震澤定兮水朝宗億萬年兮仰禹功于是舍陸而遵舟復館于蔡氏明日乃游上方諸寺山人知余將歸明日乃同遊毛公壇觀林屋洞洞深黑而中甚卑入者皆俯而進余獨與文子探隔凡而出題其旁曰通仙隔凡洞之最深處也山人曰子歸矣山有曲岩其石如黛峻而秀不可以不觀

乃觀之遂張帆而歸袁子曰西洞庭東南之沃壤也梅梨橘柑楊梅枇杷魚鹽茶竹之饒錯以良田山之人朴愿而信塗無婦人可不謂美乎自夫差以來不被兵燹抑又美矣同游者伯氏邦正文子壽承潘子修伯山人者蔡氏九達也游之明日而紀其事

前題

袁宏道

西洞庭之山高爲縹緲怪爲石公巉爲大小龍幽爲林屋此山之勝也石公之石丹梯翠屏林屋之石怒虎伏犀龍山之石吞波吐浪此石之勝也隱卜龍洞市居消夏此居之勝也涵村梅後堡櫻東村橘天王寺橙楊梅

早熟枇杷再接桃有半斤之號梨著大柄之稱此花果之勝也杜圻傳范蠡之宅角里有先生之村龍洞築易老之室此幽隱之勝也洞天第九一穴三門金庭玉柱之靈石室銀戶之蹟此仙蹟之勝也山色七十二湖光三萬六層巒疊嶂出沒翠濤瀾天放白拔地插青此山水相得之勝也紀包山者雖雲燦霞鋪大約不出此七勝外余居山凡兩日藍輿行綠樹中碧蘿垂幄蒼枝掩逕坐則青山列屏立則湖水獻玉一巒一壑可列名山敗址殘石堪入畫圖天下之觀止此矣陶周望曰余登包山始知西湖之小也六橋如房中單條画飛來峰益

景耳余亦謂楚中雖多名勝然山水不相遇湘君洞庭
遇矣而荒寂絕人烟竹樹空疎石枯土頽博觀載籍與
洞庭爲配者或者圓嶠方壺乎若方內則故居然第一
矣

洞庭賦

明王鏊

楚之湖曰洞庭吳之山亦曰洞庭其以相埒耶將地脉
有相通者耶郭景純曰包山洞庭巴陵地道潛達旁通
是未可知也而吾洞庭實兼湖山之勝始山特爲幽人
韻士之所栖靈仙佛子之所宅至國朝名臣徹爵往往
出焉豈湖山之秀磅礴鬱積至是而後泄於人耶東岡

子曰山川之秀實生人才人才之出益顯山川顯之維
何蓋莫過於文兩山者秘於古而顯於今其實有待子
無用辭予曰然乃爲之賦其詞曰吳越之墟有巨浸焉
三萬六千頃浩浩蕩蕩如滄溟澥渤之茫洋中有山焉
七十有二眇眇忽忽如蓬壺方丈之彷彿日月之所升
沉魚龍之所變化百川攸歸三州爲界所謂吞雲夢八
九于胸中曾不芥蒂者也客曰試爲我賦之夫太始沕
穆一氣推遷融而爲湖結而爲山爰有羣峰散見疊出
于波濤之間或現或隱或浮或沉或吐或吞或如人立
或如鳥鶩或如鼃鼃之曝或如虎豹之蹲忽起二峰東

西雄據有若巨君彈壓臣庶又如大軍之出千乘萬騎
旌幢寶蓋繞繞奔赴東山起自莫釐或騰或倚若飛雲
旋颺不知幾千百折至長圻蜿蜒而西逝西山起自縹
緲或起或伏若驚鴻翥鳳不知幾千萬落至渡渚迴翔
而北折試嘗與子登高騁望近則重岡複嶺喊呀虜豁
紫洲枉渚蜿蟺緬邈遠則烟蕪渺瀰天水一碧帆影見
而忽無飛鳥出而復沒靈岩則返照孤稜弁山則輕烟
一抹此亦天下之至奇也若乃長風駕浪歎山欲野足
使人魂驚而汗駭及其風日晴熙縠紋漣漪又使人心
曠而神怡至于瑤海上月流光萬頃星河倒懸蕩漾山

影又一奇也遙山霽雪凝華萬疊玉鑑冰壺上下相合
又一奇也風雨晦明頃刻異候烟雲變滅咫尺殊狀雖
有至巧莫能爲像試嘗與子弔古尋幽則有廻岩穹壑
竊窾相通琳宮梵宇暮鼓晨鐘壽藤靈藥美箭長松金
庭玉柱石函寶書靈威上人之所闕也貝闕珠宮繡縠
鳴璫柳毅書生之所媿也翠峰杜圻范蠡之所止息黃
村角頭綺皓之所從逝也而闔閭夫差之跡尤多存者
翫月之渚消夏之灣牧馬之城圈虎之山練兵之瀆射
鶚之巒出金鐸于淺瀨逸梅梁于驚湍他若毛公燒丹
之井蔡經煉藥之墩聖姑絕雉之塘雪竇降龍之淵其

石則岌嶭嶙峋瘦漏嵌空牛奇章有甲乙之品宋良嶽
有永固之封其泉則困淪罽沸甘寒澄碧墨佐君表無
礙之名天衣禪留悟道之跡斯地也孫尚書欲卜居而
不能范文穆思再至而不果豈如吾人生長茲土依岩
架棟占野分圃散爲村墟湊爲闌闌桑麻交蔭雞犬鳴
吠里無郭解劇孟之俠市無桑間濮上之音婚姻相通
若朱陳之族理亂不識若武陵之源佛狸之馬跡不到
周顛之俗駕自旋星應五車地絕三班盧橘夏熟楊梅
日殷園收銀杏家種黃柑梅多庾嶺梨美張谷雨前茅
茗蟄餘萌竹水族則時裏之白鱠殘之銀魴鱸鮓鯪自

昔所珍吾且與子摘山之毳掇野之茸割湖之鮮釀湖
之醲泛白少傅月夜管絃之舟和天隨子太古滄浪之
歌弔吳王之離宮扣隔凡之靈窩凌三萬頃之瓊瑤覽
七十二之嵯峨其亦足樂乎彼岳陽彭蠡非不廣且大
也而乏巍峩之氣天台武夷非不高且麗也而無浩渺
之容葢物不兩大美有獨鍾茲謂人間之福地物外之
靈峰是固極游觀之美而未知造化之工且夫天地之
間東南爲下非是湖爲之尾閭洩之瀦之則泛濫橫溢
江左之民其爲魚乎懷襄之世湖波震蕩非是山爲之
砥柱鎮之繞之則奔激暴囓湖東之地其爲沼乎唯夫

天作之寬以納以容地設之隘以襟以帶禹順其流分
疏別派三江既入萬世永賴而後吾人乃得優游于此
蓋至是而後知造化之意深神禹之功大諄曰吾何歸
乎吾將歸乎湖上之青山世與我而相遺超獨邁其逾
遠海山兜率不可以驟到非茲峰之洵美兮吾誰與寄
此高巖

望洞庭

唐 劉禹錫

湖光秋月兩相和。潭面無風鏡未磨。遙望洞庭山翠色。
白銀盤裏一青螺。

游洞庭山

宋 范仲淹 郡志作王禹偁

吳山無此秀乘暇一游之萬頃湖光裏千家橘熟時平
看月上早遠覺鳥歸遲近古誰真賞白雲應得知

過洞庭

孫 覲

千尺雲山屹嵩華浪湧雲屯天一罅榜舟夜傍鼉鼉窟
杖藜曉入雞豚社處處人家橘柚垂竹籬茆屋青黃亞
臺殿青紅墜半山兩腋清風策高架牛羊出沒怪石走
蛟龍起伏蒼藤挂飢鼠窺燈佛帳寒華鯨吼粥僧趺下
世味飽諳真嚼蠟老境得閒如啗蔗山靈知我欲歸耕
一夜築垣應繞舍

游包山

張 雨

橘林千黃金林靜路逾僻忽臨消夏灣雲海浩如積綺
季不可追空餘騏驥跡

題元暉太湖西山圖

前人

烟樹參差作岸容五湖難辨夕陽春不知角里家何處
只在西山縹緲峰

望洞庭

楊維禎

瑤田三萬六千頃七十二朶青蓮開道人鐵精持在手
嘯引紫鳳朝蓬萊龍子臥抱明月胎須臾化作桃花腮
嗟爾雲槎子何處忽飛來蓬萊之淺今幾尺黃河之清
今幾迴雲槎子云是江上來但知東方生賣藥五湖上

不知張使者北犯北斗魁雲槎子我與爾何哉任公釣
竿在東海潮壓桐江江上臺

前題

倪瓚

一望洞庭秋水相逢南浦孤篷江干有興騷客閒居久
約漁翁

過洞庭西山

王鵬

玄洲不復見縹緲卽芙蓉玉洞連三島金庭第一峰芝
香雲氣暖竹色露華濃我亦尋真者行探虎豹蹤

游東西洞庭

周南老

兩峰東西峙對屹具區澤波搖巒嶂浮雲開蒼翠積地

林屋良風 卷二
古山有靈蛇虎絕踪跡林屋窈而深中有神仙宅靈威
探禹符窮幽振金策信有不死方奚爲異今昔

日暮過洞庭二首

徐達左

日落洞庭波依依一棹過水光浮玉鑑山色擁雲螺閒
鳥隨篙楫冥鴻避網羅誰知天地內湖海有清歌
九月扁舟過洞庭嵐花不動浪紋平天含秋色清如許
橘綠橙黃上錦屏

遊洞庭山

謝晉

我本烟雲客早與山水儔廿年居上國今始還舊丘興
來閑携綠玉杖遠從胥口尋扁舟舟人問我意何適欲

往洞庭山中游洞庭之山亦何多參差屹立太湖波波
光激灑渺無際奇峰七十浮青螺中有包山尤嵯峨靈
踪古跡世不磨林屋洞天通水府毛公福地存岩阿嗟
余邇年雙鬢皤寧辭陟險艱捫蘿行吟澗畔碧苔磴忽
聞雲外紫芝歌歌聲猶未歇廓落生明月長嘯下嶽峯
清風振林樾林樾陰森洞戶開側身將入仍徘徊仙人
見我月邊至舉手相招呼速來飲我以紫泉紫泉一勺
能長年食我以白芝白芝食後爲神仙其間一仙撫掌
笑笑我未斷人間緣相期重來洞天內共看湖水變桑
田

湖上望西洞庭山

吳寬

百街棧上望西山縱目遙過消夏灣未遂真游勞指點
聊憑高興去躋攀石壇相距纔十里林屋都來有萬間
報與山靈須少待會將親手扣仙關

游洞庭觀太湖

祝允明

影浸三洲混太虛道通五岳紐坤輿瑤臺白兔藏仙鼎
寶洞蒼龍守禹書烟月剩將閒處媚風雷常與怒時俱
漁郎箇箇不識字慚愧高吟莫解居

泊西洞庭

袁宏道

白浪浸天冷青山引黛長朝童迷水怪夜女出江黃種

橘皆成市鑿山半作堂路疑煩指點洞口覓漁郎

洞庭有感

釋德祥

玉柱金庭在洞中當時誰道有毛公人間白髮三千丈
只見桃花一片紅

東山在洞庭山東因名洞庭東山去洞庭山一十八里
周迴五十餘里吳縣圖經在縣西七十里一名莫釐山
相傳莫釐將軍居此因以名山吳地記莫里山洞庭記
本名胥毋山毋音無即東山也越絕書晝遊於胥毋姑蘇志山
上居民數千家視包山差小而廬聚物產大略相似其
風俗好尚兩山相異也

東山記

汪明際

余之游先翠峰次至山居登莫釐顛從脊而下游法海寺自新廟前而還翠峰寺在萬松之中路極盤曲青松夾道榦修枝密山空人稀壑深路奧日薄無風其松自韻仰接其來俯送其往肅肅穆穆徐而又疾其路陰寒山僧下來皆帶雲烟之色時從松頂日景下漏散布石上寺傍銀杏色黃而明晃耀人目山居在寺後徑益邃路益僻有小閣架溪上雨過泉流當有妙響恨不一聽之也翠峰爲席溫之故宅而寺則雪竇之講壇也法海在山場中從山頂望之丹扉紺殿隱隱可數及拾級而

進則長條垂戶濃綠拂檻幾不知有寺古檜數本虜理虬結如繩枝榦枯榮相半蒼古奇詭云亦異代物新廟前林壑尤美樹色酣縱丹黃紫綠上下搖綴可以坐臥數日也莫釐峰望之不甚廣而登之則山谷迤邐或聚若茄房或施若箕張或複若衣裾或孑若釜覆爲突爲坻皆可見也葛震甫山中韻士也爲五七言詩有王孟風致時具酒艤舟以待呼舟子放船湖中月光射波上白色可埽而蒼然者山浩然者水澹然者月嗒然頽然者二三子之相對十五日風日更麗命童子携臥具酒餚拏舟渡縹緲峰峰卽包山也舟行從東山之東沿山

而北前出其西文岡蔓麓參差布列銀杏黃半而未勻
橘柚綠奇而可染蕩槩其下卽經年月亦不厭也

鎮下放舟過東山二首

宋 范成大

打頭風急鼻雷鼾醉夢閒心鐵石頑惟有愛山貪未厭
西山纔了又東山

老禪竿木各逢場詩客端來共葦航一任巔風聒高浪
滿船歡笑和詩忙

冬日東山卽事

元 湯仲友

寒色滿空山翛然一徑閒鳥啼黃葉外人度翠峰間古
殿藏雲氣唐碑帶蘚斑未窮幽絕處興盡忽思還

東山晚望

明 袁宏道

轉厭人間少翻愁大地空石枯山眼白霞射水頭紅浪
惡驚三老漁稀祭五風奇峰探不盡點點亂流中

月下泛湖抵東洞庭

沈堯中

五湖幽勝開仙島皓魄飛來况愈佳光涌中流金萬縷
影搖夾岫翠千厓橫江鶴似玄衣客落浦船如白鼻騮
夜半篙師呼渡渚令人回首憶夫差

中秋自西山返東山玩月歌 申時行

震澤天高波浪濶洞庭秋淨涼風發西去窮探湖上山
東來更酌湖頭月月明如水正秋中大編峩岿浮半空

激灩初開蟾兔窟清泠直見龜鼉宮波光浸天天一碧
暈氣成雲雲五色銀河耿耿星宿稀玉宇沉沉露華白
汪洋萬頃絕風湍蕩漾孤槎逼廣寒青尊白髮自相媚
急管嬌歌殊未闌主人好客能同玩浮白呼盧夜將半
已拚痛飲入沉冥况復壯游凌汗漫此時此景無處無
含情觸事難爲娛何似一身超萬象皎然玉樹涵冰壺
百千世事如流水對酒當歌行樂耳但願明月常相隨
一年一醉湖山裏

金庭山

一名庭山與玉柱山對峙所謂金庭玉柱也

玉柱山

一名柱山在洞庭山東北

龜山

在洞庭山東麓

長沙山

在洞庭山東北

葉余山

一名葉山在洞庭山東北太湖志山皆葉余二姓因名

過葉余山口占

明謝晉

突兀蒼波裏金庭玉柱間葉余長在水人老不離山鷗
鳥羣羣集漁舟箇箇閑晚來人喚渡買畚向城還

南烏山

在洞庭山東北

北烏山

在洞庭山北

橫山

在洞庭山北

登橫山

明徐達左

去年船過太湖時遠望橫山一黛眉今日杖藜登陟處
峰巒萬疊路逶迤

橫山晚眺

謝晉

截流遮却數峰青隔渚遙遙帶晚晴可是秋來湖水淨
黛眉低埽鏡中橫

飲橫山吳氏醒酣亭

王鏊

孤雲落日魚龍界橫山又在孤雲外一朝坐我橫山中
回頭翻覺人寰隘就中最愛吳家亭浪花堆裏一點青
千山在南紹山北亭山正值中間停天風飄飄吹我袂
自覺蓬瀛不難至安得劉伶李白共此舉瑤觴百川吸

盡無由醉

秋日游洞庭汎湖遇風遂泊橫山

申時行

霜飛木脫秋風顛笠澤浩蕩天茫然七十二峰三萬頃
吞吐日月生雲烟洞庭之山渺何許雙髻湧出波心蓮
茲山信美仍吾土彷彿丹丘與玄圃角里先生茹芝曲
靈威上人探策府沂洄宛在水中央絕漢只疑天尺五
我欲憑虛凌素秋六帆雙舸下中流荻花蕭瑟漁郎渡
蓮葉飄飄太乙舟乍驚鵬徙搏羊角何意鯨吹起石尤
一衣帶水不得涉長年捩柁愁難捷舍筏那能登彼岸

濟川虛忝為舟楫河海從今已息機風波何事猶相脅
吾聞海上三神山仙踪可望不可攀金銀宮闕庶幾遇
將至輒遭風引還茲山靈秀毋乃是别有天地非人間
徘徊艤棹橫山側須臾風止波濤息桂棹蘭橈恣所如
金庭玉柱行堪即舉觴屬客和洞簫一聲吹破滄浪色

陰山

在洞庭山北與橫山相近或云陰長生煉丹處

余山

在東山東北太湖志一名余侯山一名徐侯山山形雖小秀而蒼翠

茆浮山

在洞庭山北貢河中

大謝姑山

小謝姑山

在洞庭山東

武山

在東山東麓周一十二里姑蘇志本名虎山相傳吳王養虎于此後避唐諱改今名

游武峰記

明陳宗之

武峰湖中一孤塿四面際水遠近山如疊浪從山頂望
莫釐諸塢如空空下天狀又如展萬幅雲屏縈青繚紫
光氣炫變亦殊觀也徑多黃碧偉石短松離離錯置其
間如萬兕飲壑蹄股支撐土人指其坎而竅者以為稚
川丹竈余未敢信勢單易竟未稱奧如然葉舟蕩槩雨
後虹初玉波熨鏡故當分石公半席為胥母解嘲庚辰
首夏同袁子公白訪友此中嘯傲移日有怪樹蟠亘數
晦臃腫輪囷似數十根併合一根者以材非梓櫨扶疎

空岩丁丁莫及莊生社櫟將無謎耶袁子攀枝登其上
幾不得拾級以梯接之始下

貓鼠山 在東山之東

石牌山 在東山之東

白浮山 在洞庭山東北近石牌山

箭浮山 一名寒山浮在東山西北

王舍山 一名王舍浮在東山之北

苧浮山 一名苧山一名葉家浮在東山之西

大鼉山

小鼉山 在東山之西與龜龜南北相對

驚籃山 在二鼉之間

岐山 一名岐子山在洞庭山東南

歷耳山 在洞庭山南

三山 在洞庭山南山有三峯地相連接因各

奉應顏尚書真卿觀玄真子置酒張樂舞破陣

畫洞庭三山歌

唐皎然

道流跡異人共驚寄向畫中觀道情如何萬象自心出
而心澹然無所營手援口毫足蹈節披縑灑墨稱麗絕
石文亂點急管催雲態徐揮漫歌發樂縱酒酣狂更好
攢峰若雨縱橫埽尺波澶漫意無涯岍嶺峻嶒勢將倒

盼睐方知造境難象忘神遇非筆端昨日幽奇湖上見
今朝舒卷手中看興餘輕拂遠天色曾向峰東海邊識
秋空暮景颯颯容翻疑是真畫不得顏公素高山水意
常恨三山不可至賞君狂畫忘遠遊不出軒墀坐蒼翠

澤山

厥山 在洞庭山南

蕩帽山 一名蕩帽浮在洞庭山南

筆格山 一名筆架山在洞庭山南

石蛇山 在洞庭山西

石蛇山跋

本朝 蔡旅平

迎風飲濤子處湖心遠龍渚三四里蟠旋屈伏首尾蠕
動何形肖至此山石琳琅半湮砂磧陽面陂陀巉石突
岬水濱牛沉犀伏以浸以漬韜藏自惜得未罹斧鑕是
石林中樛櫟也桃李丹楓俱從鏡裏飛來遠映輕濤駘
蕩中若隱若見殊多欣想先太史九達公最加立賞以
無烟火氣耳

游石蛇山記

明 蔡羽

龜龍蛇之山大抵皆花石之材竅者空竅濶者廉利
然皆不於山之腹特出於波濤龜龍龍頭皆負林麓走
飲於湖惟蛇山為不然當太湖之西北背龍頭而迎風

濤截乎大洋故境愈險而愈奇世少得而觀焉正德已
巳清和月與客放舟龍頭西踰小洞庭還見聚落十餘
家爲烏沙井厥石萬狀恍恍焉洞洞焉緣於巘岈不敢
搖動然去蛇山尚十里客請乘東風之便乃從烏沙井
解舟泊石蛇之東遙見大石劃下若有門闕而無人踪
顧其勢尚崒水尚急舟不能停緣壁里許則山之陽也
听始舒水始緩若有里墟而無火烟烏嬰獸窟以竄其
間者大抵皆採石之人厥嗟惟廬厥坎惟炊厥寢惟礮
以漬以飲惟石之宜始舟人與听人見獲通語言而沙
詰渾未可卒進投竿測之視听人指指止行焉始獲登

登其丘山空地虛舉足有聲躡其巔梯斷石滑側身而
不獲前後舉帆去則山之西麓矣壁愈高石愈奇若芙
蓉開花魚龍脫甲上者屏列下者橋臥隱隱波底者不
可窮狀所見旣異而境復迂僻由是鎖舟壁下環臥涯
澣客皆引滿載歌晨徂而暮忘返夫蛇山拳石耳其勝
顧出龜鼉龍頭之上余與去甚邇而平生不聞其勝一
日跨波濤觸烟霧獲觀其奇則古之不言石蛇而言龜
鼉者有以也噫物愈奇則遇愈難余志石蛇之奇俾好
奇者覽焉

游石蛇後記

前人

山林之與臺閣其味不相堪非止甘苦也間有勉嗜之者得之必不深與之必不能相忘惟太傅王公則不然去臺閣投山林釋軒冕憩泉石若返故踐真曾無纖芥耳與目惟恐其不遠情與度惟恐其不廣一日聞濟陽蔡羽言石蛇之奇欣動不已卽其歲已巳之臘八挾小舸載輕麾奮發乎消夏灣之上以羽佑座貳之以扣舷之客緣大小明月灣絕流西去瞬息而造蛇山簫管一鳴林谷振響山精水怪潛匿而不敢出乃與客冥搜乎岩穴循環乎谿澗扶搖乎梯凳之間高駕乎洪濤之上以吐納烟霧履峭絕跨蓊葳與健夫爭先而公不知倦

於是水聲洋洋萬籟俱和通乎耳矣東過雪溪西過夫椒通乎目矣仰周八表俯接九淵通乎度矣鼉呼而鼈謹羽翔而鱗集通乎情矣山不必高王公一踐之三萬頃之勝可以俯而有也雖老于山林曾不如又何嫌于臺閣日欲落公手剝石衣書名于壁而去

登石蛇山

本朝
蔡旅平

誰識當年白帝雄幡然明滅向波中不隨麋鹿盟山友自侶鼉鼉狎釣翁石隱幽溪藏我拙雲封隔岼謝人通乘風吹拂春潮細鱗甲千層浪影重

衆安山

一名瓦山在消夏灣孤峙水中

青浮山 在洞庭山西

大竹山

小竹山 在洞庭山西常州府志山在宜興縣東北六十里太湖濱與夫椒山相對山產白泥可以墜壁

大小竹山詩

明 蔡昇

竹繞山山映竹山色長青竹長綠大小兩山何處同瀟湘
岍頭淇水澳昨朝山上清風生翠梢搖動鳳凰翎今
日山中高旭照綠陰滿地鷓鴣聲鷓鴣聲啼未歇兩山
雨濕琅玕節

琴山 在洞庭山西北

詠琴山

明 謝晉

銷磨軫玉與徽金抱棄浮灣歲月深莫道無絃人罷操

天風靈籟自成音

杵山 一名衣杵山在洞庭山西北

東獄山

西獄山 在洞庭山西北吳郡志吳王置男女二獄于此

題東西兩獄山

宋 楊備

雷霆號令雪霜威二獄東西鎖翠微彷彿鄴都叢棘地
岩扉應是古園扉

粥山 在洞庭山北震澤編吳王餉囚者也

瞳浮山 在洞庭山西北

唐浮山 在曠浮東唐里北半里

紹山 與二千山相近蘇州府志作邵山

題紹山

明謝晉

山上無人草木荒岩前有堊白于霜寄言圻者王承福
取去母饒糞土墻

大千山

小千山 在洞庭山北

大雷山

小雷山

太湖志大雷在洞庭山西北小雷在洞庭山西南水經湖中有大雷小雷三山亦謂之三山楊泉賦大雷小雷湍波相逐周處陽羨風土記震澤中有大雷山小雷山續志兩山相去六十里在晉陵縣

馬跡山西○太湖中大小雷山周處謂舜之漁澤按郡國志南朝多以北方山川郡邑各境內之地故以此擬舜之遺跡也又吳興志大雷印洞庭西山屬長興小雷即洞庭東山屬烏程蘇州府志引之而未之攻焉更俟博載

思夫山

洞庭記山在洞庭西北四十里吳郡志山在太湖中舊說秦有逸人居此採藥不回妻念之而死後人哀之因以名山

題思夫山

明高啓

江上曾看望夫石湖中今見憶夫山夫君好采山中藥
獨得長生竟不還不似蕭郎與秦女乘鸞同去彩雲間

前題

謝晉

夫君采藥去棄妾空山中空山明月夜展轉思無窮不

恨夫君去不還自緣薄命復何言願君學得長生術妾
沒終當為返魂

五石浮山 一名五浮山在洞庭山北貢湖中

大貢山

小貢山 在洞庭山北貢湖中

大貢小貢二山

元王逢

大貢如大人小貢如小臣大人方正笏小臣亦垂紳太
湖七十二而此我所珍清淑萃間氣端厚凝風神岳露
蓮一朶海偃月半輪遠分馬跡秀近奪峨眉真岫晃敞
素夕雲蓋擁高晨深容虎豹隱幽絕狐兔隣將軍雖相

望邈若越與秦我行柯村外紫翠忽鮮新不無靈異棲
飛度招隱淪洶洶白水波杳杳清路塵芳蓴被中沚采
之淚盈巾父老昧知識謂我諸侯賓我豈諸侯賓均是

天王臣

杜圻山 一名杜圻洲在洞庭山北洞庭記杜圻洲一名北嶧山去洞庭六十里馬跡山東十里有神廟

馬跡山 在洞庭山西北毘陵志在武進縣東南迎春鄉太湖中西南二十里山麓周百二十里與津里

山相接山之西地名西青石壁屹立下有兩穴跡圓各盈尺深五六寸水落則見舊經謂秦王巡幸為馬所踐按僧文鑿洞庭記漢郁使君為雍州刺史歸杜圻洲經從此山龍馬駐跡留石面時人語日朝為雍州官暮歸棲九里
○圻洲一作社沂洲

游馬跡山記

明黃遵

馬跡山去毘陵東南百餘里與津里山接津里又名秦履山之西曰西青石上有四穴圓而不深若馬跡然舊說祖龍驅石爲梁躍馬東海以觀日出馬至此踐石因名又云漢郁使君歸老游山龍馬駐跡事皆莫考山峙太湖中其麓周百二十餘里水四繞湖名具區亦曰震澤笠澤控帶三州禹貢三江旣入震澤底定是也山由西南而徑東北可三十里西北而東南則半之自苦竹檀溪蓬坑歷大小墅東西坳新城寨前過張青西村牛塘葺橋竹塢桃花至于內閭世傳吳王闔閭嘗避暑于此峰巒環抱如拱如揖由是而踏青輦藤伴奴耿灣此

於雁門山西而極焉民因灣而散居者家約數千籍分九里土狹人庶而山林多田直畝非千百緡不售故民多資商以給然俗尚禮好客每遠客至則競相招致恐後誠游覽佳山水處也永樂改元予初來教學武進以旌表史節婦劉氏曾兩至此公幹忽遽弗克縱情爲快因循通考云滿將十年於茲念人生行止難必由茲謁天官則他除授東西未可知也於今不得一覽他日無由至矣乃以十一年癸巳春三月十七日從東關買舟道戚墅洛陽暮止文成橋翌日渡湖登苦竹岬同游者明子肅王粲僕華真及舟子從步二里許過分水嶺旁

木犀風 卷二
路至則歡飲夜分乃罷明日辭而返棹焉仲恭曰曷不
少留予曰乘興而來興盡而返何必宿留而重厯館人
爲也遂歸援筆以識

過震澤望馬跡山

唐 釋文鑒

瀛洲西望沃州山山在平湖縹緲間常說使君千里馬
至今龍跡尚堪攀

游馬跡山漫賦

明 錢淵

七十二峰浮震澤中有一峰名馬跡云是祖龍神馬經
四蹄石上如雕畫西青崕畔盡桃花暖風遲日蒸紅霞
柴門流水自村塢幽花籠晝春長嘉行行內閣相咫尺

六月風吹楊柳陌千古猶傳避暑宮躊躇往事空陳迹
誰家種竹滿塢深猗猗晝日長陰森行人過此消塵慮
耳邊惟聽鳴瑤琴長橋曲水村塢小茅屋人家往來少
綠陰黃鳥啼一聲落花滿地無人埽亭亭午日正暄妍
方塘水淺群牛眠禾黍高低家富足百年涑水遺風傳
日墮西岩村欲暮殘紅返照林間樹頰肩樵子倦歸來
山路雲深不知處越王敗餘城已覆新城知是何年築
夜深人有讀書聲月上女牆猶未宿村西汨汨流芳泉
湖濱日泊漁人船魚蝦朝來爭作市酒家門巷青帘懸
蓬坑寂寂村無主軟藤花落閒亭午小橋流水澗東西

茅屋藏春春幾許檀溪一派清泉分蒼崕白石波云云
 臨流飽玩坐終日知是當年誰隱君苦竹叢深橫古渡
 渡頭芳草迷烟霧魚龍噴沫水雲腥十里風帆送朝暮
 東谷盡處是鈕埼村深地僻行人稀日長無事門半掩
 白鷺群飛水滿溪丹崖翠壁千仞縹瑤草琪花四時好
 山中別是一乾坤尋真何必蓬萊島

津里山

一名秦履山馬跡之右峰也在武進縣東南一百十里四蕃志常州有秦履山註始皇常登此後訛為今名唐開成中邵偃記山連馬跡夫椒峯亦回合波影映帶寔為奇觀云

夫椒山

在馬跡山西南毘陵志一名湫山在無錫縣西太湖濱九域志縣有大湫山又寰宇記夫椒山在常州武進縣左傳吳伐越敗之夫椒杜預曰太湖中椒山史記正義引賀循會稽記夫椒山在太湖中

洞庭山西北按馬跡山志夫椒山馬跡之從山也相距不遠東曰夫南曰椒皆馬跡之脉故總謂之夫椒

夫椒山懷古

明秦夔

千尺巍巍俯洞庭祖龍巡幸此曾經馬蹄猶記亡秦迹
 厓石誰鐫上古銘鰲背壓波晴隱隱芙蓉積翠曉冥冥
 樓船此日登瀛客分載西峰一半青

前題

白昂

勾吳敗越戎塵戰此山麓麟經奚特書檇李仇能復往
 事已成塵草莽空遺鏃我來謁山靈秋深月方朐丘園
 老蹲鴟湖田徧禾菽今歲幸年豐國稅無缺縮喜從絕
 頂高曠縱縱游目仰舒千古愁長嘯振崕谷

前題

霜刃交揮雨箭飛吳人得志越忘歸臥薪嘗膽君知否
莫醉蘇臺玩舞衣

朱昱

前題

樵李陳師霸業新夫差三載報相尋可憐吳越俱塵迹
惟有夫椒自古今

徐問

望夫椒山

金九齡

平野面湖山山巒隱約間遠中堪眺望險處好躋攀嶂
霧開仍合沙鷗去復還何時戒舟楫携酒遍諸灣

望夫椒山弔古

本朝歸莊

三日揚帆泛具區水面諸峰大者魚龍小者鳧其最著
名有夫椒烟中一抹遠在湖之西北隅吾欲從之訪古
迹波濤際天阻險途在昔春秋有強吳利擅三江與五
湖蕞爾於越仇大邦樵李一戰斃闔廬人殺爾父爾敢
忘出入必向君王呼枕干三年雪仇耻夫椒之役稱雄
圖臣其君妾其妃吳王此時真丈夫嗟乎吳王真丈夫
春秋大復九世仇不譏遷紀邢鄩部彼楚項襄宋思陵
千古罪人死庸奴曾不若秦苻堅死休自誓殲羌胡日
暮途遠鞭荆平夫椒之役何愧伍子胥吾望此山千古
猶憑弔放言不畏迂儒笑

小椒山 在馬跡山西南與夫椒山對而差小

大隴山

小隴山 在馬跡山東南姑蘇志作大峰小峰山

東鴨山

西鴨山 在馬跡山東北獨山門外

三峰山 震澤編東鴨西鴨中為三峰太湖志山在馬跡山東北獨山門外有三山相近向東一山名東

鴨向西一山名西鴨居中一山總名三山蓋七十二峯之三也今亦稱三山常州府志三山在無錫縣南太湖中與獨山相對鼎立洪濤中

獨山

與衝山相接毘陵志與錫山連中斷為太湖舟行其中北與管社山相望號浦嶺門南與充山對峙號獨山門蓋梁溪之水流入五里湖西導至二門出于太湖

秋晚宿獨山門下

明王叔承

掩映湖山界孤峰結水門帆檣千里國烟火百家村鳥影星辰白人聲薜荔昏鄰船蝦易買沽酒月當罇

大帆山

小帆山 在馬跡山東北

錢堆山 一名錢堆磯馬跡志在馬跡山北小墅灣口

詠錢堆山

明吳鼎芳

似貫如縉縱復橫纖雲飄忽五銖輕人間無限難平事湖上空傳阿堵名

衝山 毘陵志作充山在洞庭山東北常州府志山作無錫縣西十八里

漫山 在洞庭山東北

過太湖望漫山

明謝晉

蒼蒼屹立在湖心勢小形奇冠眾岑烟水漫迷天暝處
孤青一點望中深

長浮山

在洞庭山東北與衝山相近

瀨頭浮山

太湖志名亂頭山


殿前浮山

在洞庭山東北或云穹山有水平王廟山正當殿前故名○按蔡昇太湖志東山之西有

王舍浮洞庭之南有舍山攷之即一山也白浮兩見五石浮之外又有五浮貓鼠山分為二山獨山弼山翦帽山闕而不載而王文恪七十二峯記有渡渚山石公山龜山而無唐浮眾安山具區志刪去渡渚石公增以禹期山而唐浮眾安仍闕而不錄夫二山本與洞庭諸山並峙湖中乃數百年來編書者俱以渡

渚禹期等山附會七十二峯之名而二山獨逸豈山之顯不顯亦有幸不幸耶抑有所待而名始顯耶今為較正序列如此無使二山之獨悲乎湮沒也

林屋民風卷二終



卷

卷

卷之四